

ІНФОРМАЦІЯ О ВОЗМОЖОСТИ АЙ УСЛОВІЙОХ ЗВЕРТАННЯ ДО КОМІСАРА ФУНДАМЕНТАЛЬНЫХ ПРАВ

Із ціллю захищання фундаментальных прав Вседержавный Собор вибирає комісара фундаментальных прав як порученого, котрый рапортує исключительно Соборови.

На пудставі закона СХІ., § 18 (Ајbt) уд 2011-ого рока о комісарови фундаментальных прав ходь ко може ся звертати до комісара фундаментальных прав тогды, коли вун/она так думать же діяльність вадь упущення даякого правленія, наприклад:

- адміністративного органа,
- місцевого самосправованя,
- національного самосправованя,
- публічного корпусу, што діє на пудстві обовязательного членства,
- Малярської Армії,
- правоохранного органа,
- другого адміністративного органа, што дійствує у сьому повноваженньови,
- рослідуючого правління вадь орган прокуратуры, што проводить рослідованя,
- нотаріуса,
- трибунального ісполнителя,
- независимого судебного ісполнителя вадь
- органа державної службы

порушає фундаментальні права личности, што подає заявленіє вадь укликає непосредственну небезпеку, при условії, што чоловік вжєк изхосновав усі адміністративні засобы правової защиты, - не щитая сюды судебну ревізію адміністративного рішення - вадь возможность правової защиты для нього незабезпечена.

Независимо уд того, у якуй організаційнуй формі дійствує, органом державної службы щитаєся

- орган, што выповняє государственні заданія вадь заданія самосправованя, вадь принімає участие у выповненні таких заданій,

- постачалник комунального обслуговування,
- универсальный постачалник,
- організація, што подає вадь посереднічає у подачі государственної пуддержки вадь пуддержки уд Європейського Союзу,
- організація, што выповняє діятелность, указану у юридичных правилох як державна служба, ай
- організація, што подає службу, приписану у юридичных правилох як обязательно требуєму.

Орган, выповняючий державну службу має ся провіряти лиш у звязкови із сив свойов діятелностью.

У случаї серйозного порушеня фундаментальных прав бульшої группы природных особ Комісар фундаментальных прав має право провіряти діятелность вадь упушення організації, яка не считаєся правлінням.

Комісар фундаментальных прав має і слідуєчі права:

Може возбуждати у Конституційному Судови ревізію гармонії юридичных правил із Основным Законом.

Комісар фундаментальных прав та його замістителі, што защищают інтересы будущих поколінь ай права меншин, што живут у Мадярщині слідят за додержанням інтересув будущих поколінь ай прав меншин, што живут у Мадярщині.

Комісар фундаментальных прав не перевіряє діятелность

- Вседержавного Собора,
- Президента Республіки,
- Конституційного Суда,
- Вседержавного Казначейства,
- суда, ай
- діятелность прокуратуры, за ісключенієм органа прокуратуры, який проводит росслідованя.

У тому случаї, якшто на пудставі заявленія мож предположити, што – за ісключенієм сих органув – діяльність вадь упущеня організацій, котрі не являються правлінням серйозно нарушає права більшої групи природных особ, Комісар фундаментальных прав може дійствовати у виді ісключенія.

Комісар фундаментальных прав не може дійствовати

- якшто пройшло больше як єден рік уд публікованя окончательного адміністративного рішення по жалобному ділову;
- якшто процедура началася перед 23-им октовбром 1989-ого рока;
- якшто процедура ся начала против ревізії адміністративного рішення, вадь вжек принято окончательное рішення суда;
- якшто особа, што подала заявленіє не раскрыла свою особу, а без того обслідованя не може ся проводити. (никого не мош дискриминувати изза того, што ун/она звернулася до Комісара фундаментальных прав.)

Комісар фундаментальных прав удказує заявленіє, якшто

- оно не удповідає вирхньому условіям, вадь
- явно, што заявленіє безосновательное,
- заявленіє подано ище раз, айбо не включає новых фактув, даных, вадь

Комісар фундаментальных прав може удказати заявленіє, якшто

- оно подано без имени, вадь
- на його думку аномалія, по якуй подали жалобу незначительна.

Способ поданя жалобы:

Заявленіє и процедура бесплатна. Громадяне можут подати свої жалобы лично, у уснуй вадь письменуй форм. До просьбы мош приложити копії документув, што ся виробили по ділову и требуются для вынесеня рішення. Якшто хочете подати свою жалобу Комісару фундаментальных прав вадь його професіональному замісникови вадь у бюро по і-мийлу, просиме хосновати нижчий адрес

panasz@ajbh.hu,

котрый мы пуддержуеме лиш для сьої цілі.

Хочеме звернути Вашу увагу на вто, што жалобы, послані по і-мийлови розникавутся соответственно общим правилам адміністрації, а удпувідь посилаєся традиційным путем, по пошти. Для принятия ефективных мір просиме подати у заяві постійный адрес проживання и поштовый адрес. Без сього не можеме ся займати из жалобами, посланими по і-мийлови. Якшто особа, подаюча заявленіе так просит, Комісар не выдає його/її особу.

Поштовый адрес: Бюро Комісара Фундаментальных Прав (Alapvető Jogok Biztosának Hivatala)

1387 Budapest, pf.40

Якшто лично хочете подати жалобу, можете зробити йсе на пудставі попириднього заголошеня.

Заголоситися мош по слідуючому телефонови: 06-1-475-71-00, вадь на нашуй веб-сторінці у електроннуй формі.

Бюро Жалоб уткрытоє:

понедельник: Межи 09-16 часами, на базі попириднього договореня:
Межи 16-18 часами
вторник-читвирь: Межи 09-16 часами
пятница: Межи 09-12 часами.

адрес Бюро: Будапешт, 5. район, ул. Надор 22 (Budapest V. ker., Nádor u. 22.)

Важно знати, што:

- На розгляданя жалоб Комісаром фундаментальных прав не удносится 30-денный срок.
- Пуд час розгляданя жалоб Комісар фундаментальных прав независимый, вун приносит рішеня исключительно на пудставі Конституції и законув. Якшто на пудставі проведенного обслідованя Комісар найде аномалії удносно конституційных прав, вун може дати предложеніе на поправленя

компетентному правліню вадь його вирхньому органу, комунальному постачальнику вадь законодательнуй інстанції.

- Никого не мож дискримінувати изза того, што ун/она звернулася до Комісара фундаментальных прав.